

وَجَاءَتْ سَكُونُ الْمَوْتِ بِالْمُقْتَدِيِّ فَلَمْ يَكُنْ مُّهْبِطًا لِّجَهَةٍ

Machiin du'aa dhugaan dhuftee jirti. «Kuni waan ati irraa dheessaa turtleedha.» [Jedhamaan].

وَمَا لَكُمْ مِّنْ إِلَهٍ إِذَا هُنَّ مُّنْكَرٌ وَمَا لَهُمْ مِّنْ نَصِيرٍ (۱۹) وَمَا لَكُمْ مِّنْ إِلَهٍ إِذَا هُنَّ مُّنْكَرٌ وَمَا لَهُمْ مِّنْ نَصِيرٍ (۲۰)

Al-Qur'aan, Suuratu Qaaf 50:19

Aakhiratti amanuu-kutaa 3ffaa

Description

Dhalli namaa guyyaa guyyaan ni du'u, akkasumas, ni dhalatu. Namoonni dhibbaatamatti lakkaawaman gara addunyaa yommuu dhufan, namoonni biroo immoo bakka isaanii gadi furuun gara Barzakh godaanu. Barzakh jechuun maal jechuudhaa? Barzakh jechuun wanta addunyaa tanaa fi Qiyaamaa jidduu jiruudha. Akka lugaatti barzakh jechuun girdoo (cufaa) wantoota lama addaan baasudha. Kanaafu, namoonni erga du'anii booda qabrii (awwaalcha) keessatti awwaalamu. Qabriin tuni barzakh isaaniif taati. Hanga Qiyaamaan dhaabbattu namoonni du'an gara addunyaa akka hin deebine isaan dhoowwiti. Qur'aana keessatti waa'ee barzakhaakkana jechuun dubbata:

﴿ حَتَّىٰ إِذَا جَاءَ أَحَدَهُمُ الْمَوْتُ قَالَ رَبِّ أَرْجِعُونِ ﴾ لَعَلَّ أَعْمَلُ صَلِحًا فِيمَا تَرَكْتُ ۚ لَمَّا كَانَتْ لِهَا كَلِمَةٌ هُوَ قَابِلُهَا ۖ وَمِنْ وَرَائِهِمْ بَرَزَخٌ إِلَى يَوْمٍ يُبَعَّثُونَ ﴾

“Yeroo tokkoon isaaniitti duuti dhuftu ni jedha, “Gooftaa kiyya! Na deebisi. Waaniin dhiise keessatti hojii gaarii hojjachuun kajeela.” Lakki! Ishiin kuni jecha inni jedhu qofa. Hanga guyyaa kaafamaniitti isaan duuba barzakha (cufaatu) jira.” Suuratu Al-Mu’minuun 23:99-100

Kana jechuun nama daangaa darbee fi Rabbiif ajajamuu dide yommuu duuti isatti/ishitti dhuftu, akkana jedha, “Rabbii kiyya gara addunyaa na deebisi. Hojii gaggaarii duraan hojjachuun dhiise hojjadhaati.” Rabbiinis ni jedha, “Lakki!” Kana jechuun gara addunyaa deebi'uun hin jiru. Jechi inni “Rabbii kiyya na deebisi” jedhu kuni, jecha inni arrabaan jedhu qofa, faayda homaatu hin qabdu. Gaabbi fi gadda malee homaa hin dabaltuuf. Hanga qiyaamaan dhaabbattu isaan duubaa fi fuundura barzakha jira. Barzakh kana keessa tursifamu. Barzakha kana keessatti gariin ni qanani'u, gariin ni azzabamu (ni adabamu). 654

Du'aan booda wantoota taasifaminitti amanuuun wanta Aakhiratti amanuuun wal qabatuudha. Ilmaan namaa hunduu ni du'u. Kuni Murtii Rabbiin subhaanahu wa ta'aalaa murteessedha. Garuu hanga Qiyaamaan dhaabbattu qabrii (awwaalcha) keessa ni tursifamu. Yeroo qabrii keessa turan adabbii ykn

qananii wayii ni dhandhamu. Adabbii Kanaan azaabul qabr jennaan. Qananiin immoo ni' matul qabr jennaan. Namni adabamuun ykn qananii dhandhamuun dura fitnaan (qormaanni) isa qunnama. Mee amma sadan kanniin haala armaan gadiitiin haa ilaallu:

1-Fitnatul qabr (qormaata qabrii)

kuni namni erga awwaalameen booda gaafi malaykoonni gaafataniidha. “**Man Rabbuka (Gooftaan kee eenyu)?, Maa diinuka (Amantiin kee maaliidha)?**”, Namticha isin keessatti ergamee ilaachise maal jettaa?” Jechuun isa gaafatu. Rabbiin namoota amananii fi hojji gaggaarii hojjataa turan ni jabeessa. Gooftaan kiyyaa Rabbii (Allah) dha, amantiin kiyya Islaama, Nabiyyiin kiyya Muhammad (SAW) jedha. Kaafirri, “Haa haa! Laa adrii (Haa, haa hin beeku)” Munaafiqaa ykn nama shakkuu yoo ta'e immoo: Hin beeku, namoonni wanta tokko kan jedhan dhagahe, anis ni jedhe.

2-Azaabul Qabr (Adabbii qabrii)

Kuni adabbii kaafirootaa fi munaafiqoota irraa zaalimootaaf ta'uudha. Rabbiin ni jedha:

﴿وَلَوْ تَرَى إِذ الظَّالِمُونَ فِي عَمَرَاتِ الْمَوْتِ وَالْمَلِكَةُ بَاسِطُوا أَيْدِيهِمْ أَخْرِجُوا
أَنفُسَكُمُ الْيَوْمَ تُجْزَوْنَ عَذَابَ الْهُوَنِ بِمَا كُنْتُمْ تَقُولُونَ عَلَى اللَّهِ غَيْرَ الْحَقِّ وَكُنْتُمْ
عَنْ ءَايَتِهِ تَسْكُنُونَ ﴾٣٥﴾

“Yeroo miidhaa hojjattooni (zaalimoonni) haguuggi du'aa keessa ta'anii malaykoonni harka isaanii diriirsuun “Lubbuu keessan baasaa; Rabbiin irratti dhugaan ala wanta biraa waan dubbataa turtanii fi keeyyattoota isaa irraa [waan] boonaa turtaniif har'a jazaan keessan adabbii salphisaa ta'a.” jedhan osoo argite, [wanta rifachiisaa argitaa turte].” Suuratu Al-An'aam 6:93

Kana jechuun machaa fi rakkoon du'aa zaalimootatti yommuu dhuftu, malaaykonni harka isaanii diriirsuun rukuttaa cimaa rukutu. Akkuma malaykota kanniin ijaan hin agarre, yommuu nama kana rukutaniis hin agarru. Kuni wanta geeybi (ijaan hin mul'anneeti). Rukuttaa cimaa rukutaa “**Lubbuu keessan baasaa; Rabbiin irratti dhugaan ala wanta biraa waan dubbataa turtanii fi keeyyattoota isaa irraa [waan] boonaa turtaniif har'a jazaan keessan adabbii salphisaa ta'a.**” jedhuun. Zaalimooni kunniin, “Rabbit ilma qaba; wanta akka Rabbit buuse anillee nan buusa” jechuun Rabbit irratti dhugaan ala kijiba dubbataa turan. Ammas, keeyyattoota fi Ergamtoota Isaatti ni boonan. Kana jechuun itti hin bulan, hin masakamaniif. (295) ibn-kasiir 3/302

Kuni raga cimaa adabbii qabrii agarsiisudha. Adabbiin qabrii qofa keessatti osoo hin ta'in, battalaa du'aa irraa jalqabuun qabrii keessattis hanga Rabbit fedhetti adabbii itti fufuudha. Ragaan lammataa adabbii qabrii agarsiisu, waa'ee Fira'awn fi hordoftoota isaa ilaachisee Rabbit akkana jedha:

النَّارُ يُرَضُونَ عَلَيْهَا غُدُوًّا وَعَشِيًّا وَيَوْمًا تَقُومُ السَّاعَةُ أَذْخُلُواهُ



ءَالَّفِرْعَوْنَ أَشَدُ الْعَذَابِ

“Ibidda ganamaa fi galgala ishii irratti fidamantu [isaan marsee]. Guyyaa Qiyaamaan dhaabbattu, “Ummata Fira’awna adabbii akkaan cimaa seensisaa.” [jedhama].” Suuratu Ghaafir 40:46

Ruuhin ykn nafseen isaanii ibidda irratti fidamuun ni azzabamti (ni adabamti). Guyyaa Qiyaamaa ruuhi fi qaamni walitti seenun, **“Ummata Fira’awna adabbii akkaan cimaa seensisaa.”** Jedhama.

Ammas, Hadiisa sahiih ta'an keessatti azaaba qabrii Ergamaan Rabbii (SAW) ni dubbatu. Zayd ibn Saabit akkana jedha, “Ganda Bani Najjaar keessa Ergamaan Rabbii (SAW) gaangee yaabbatanii osoo deemanu gaangeen isaan utaalun kufisutti yommuu dhiyaattu nuti isa waliin turre. Ganda san keessatti qabrii jaha, shan ykn afur arge. Ergamaan Rabbis (SAW) ni jedhan, **“Namoota qabriwwan tanniin keessatti awwaalaman eenyutu beekaa?”** Namtichi tokko ni jedhe, **“Ana”** Ergamaan Rabbiis ni jedhan, **“Isaan kun yoom du'an?"** Innis ni jedhe, **“Osoo Rabbiin waliin wanta biraab gabbaranuu du'an.”** Ergamaan Rabbis ni jedhan, **“Namooni kunniin qabrii isaanii keessatti qoramaa jiru. Sababa azaaba qabrii dhagahuun wal awwaalu kan hin dhiisne osoo ta'ee, silaa azaaba qabrii ani dhagahu akka isin dhageessisu Rabbiin nan kadhaa ture.”** Ergasi fuula isaatin nutti garagalee akkana jedhe, **“Azaaba qabrii irraa Rabbiin tiikfamna.”** Isaanis ni jedhan, **“Azaaba qabrii irraa Rabbiin tiikfamna.”** Innis ni jedhe, **“Fitnaa irraa waan ifa bahee fi waan dhokataa Rabbiin tiikfamna.”** Isaanis ni jedhan, **“Fitnaa (qormaata cimaa) irraa waan ifa bahee fi waan dhokataa Rabbiin tiikfamna.”** Innis ni jedhe, **“Fitnaa Dajjaal irraa Rabbiin tiikfamna.”** Isaanis, **“Fitnaa Dajjaal irraa Rabbiin tiikfamna.”** Jedhan.” [SahihMuslim 2867](#)

Dabalaatan Hadiisni biraab azaaba qabrii ni mirkaneessa: Ibn Abbaas akka gabaasetti, Ergamaan Rabbii (SAW) qabriwwan lama bira darban. Ergamaa Rabbii (SAW) ni jedhan, **“Isaan lamaan kunniin azzabamaa jiru, [dhiisuf] wanta guddaaf kan azzabamanii miti. Tokkoffaan jettee jettee ol gadiin deema, lamaffaan, fincaan irraa of hin eegu.”** Sahih Al-Bukhaari fi Sahih [Muslim](#)

3- Qananii qabrii

Rabbiin subhaanahu wa ta'aalaa warroota dhugaan amanan yommuu du'aan akkana jechuun isaan gammachiisa:

إِنَّ الَّذِينَ قَاتَلُوا رَبِّنَا اللَّهَ ثُمَّ أَسْتَقَمُوا تَتَنَزَّلُ عَلَيْهِمُ
الْمَلَائِكَةُ أَلَا تَخَافُوا وَلَا تَحْرَزُونَا وَأَبْشِرُوْا بِالْجَنَّةِ الَّتِي

كُنْتُمْ تُوعَدُونَ ﴿٢٠﴾

“Dhugumatti, isaan “Gooftaan keenya Allaah dha” jedhanii, ergasii achirratti gadi dhaabbatan, [yeroo isaan du'an] Malaaykonni isaan irratti bubbu'uun “Hin sodaatinaa, hin gaddinaas; Jannata waadaa isiniif galameen gammadaa.” [jedhuun]” suuratu al-Fussilat 41:30

Ammas, haala nama du'uu fi du'aan booda wanta isa eeggatu haala armaan gadiit in ibsa:

﴿فَلَوْلَا إِذَا بَلَغَتِ الْخُلُقُومَ ﴾٨٣﴿ وَأَنْتُمْ حِينَئِذٍ تَنْظُرُونَ ﴾٨٤﴿ وَنَحْنُ أَقْرَبُ إِلَيْهِ مِنْكُمْ وَلَكِنَّ
لَا تُبْصِرُونَ ﴾٨٥﴿ فَلَوْلَا إِنْ كُنْتُمْ عَيْرَ مَدِينِينَ ﴾٨٦﴿ تَرْجِعُونَهَا إِنْ كُنْتُمْ صَدِيقِينَ ﴾٨٧﴾

“(83)-Yeroo [nafseen] kokkee geessu, maaliif hin deebifnee? (84)-Yeroo san isin kan ilaaltan taatanii osoo jirtanuu, (85)-Nuti isin caalaa gara isaatti dhiyoodha, garuu isin hin argitan. (86)- Kan hin qoratamnee fi hin mindeefamne yoo taatan nafsee san deebisaa. (87)-Yoo kan dhugaa dubbattan taatan maaliif hin deebifnee?” Suuratu Al-Waaqi'a 56:83-87

Yeroo namni tokko du'u yommuu nafseen bahuuf kokkee geessu, isin osoo ilaaltanii fi bira jirtanuu maaliif nafsee san qaama keessatti hin deebisnee? “Gooftaa Guyyaa Qiyaamaa isin kaasee isin qoratu fi jazaa isiniif kafalu yoo mormitan, nafsee tana maaliif hin deebisne? Yoo kan hin deebisne ta'e, dhimmi harka keessan osoo hin ta'in harka Rabbii akka jiru beekaa

Yeroo duuti dhuftu namoonni bakka saditti quodamu:

﴿فَأَمَّا إِنْ كَانَ مِنَ الْمُقَرَّبِينَ ﴾٨٨﴿ فَرَوْحٌ وَرِيْحَانٌ وَجَنَّتُ نَعِيمٍ ﴾٨٩﴿ وَأَمَّا إِنْ كَانَ مِنْ
أَصْحَابِ الْيَمِينِ ﴾٩٠﴿ فَسَلَمٌ لَّكَ مِنْ أَصْحَابِ الْيَمِينِ ﴾٩١﴿ وَأَمَّا إِنْ كَانَ مِنَ الْمُكَذِّبِينَ
الضَّالِّينَ ﴾٩٢﴿ فَنُزُلٌ مِّنْ حَمِيمٍ ﴾٩٣﴿ وَتَصْلِيهُ جَحِيمٍ ﴾٩٤﴿ إِنَّ هَذَا لَهُوَ حَقُّ الْيَقِينِ ﴾٩٥﴾

Yoo namni du'u suni namoota Rabbitti dhiyefaman irraa ta'e [Isaaf] haara galfii, gammachuu fi Jannata qananiitu jira.

Yoo inni warra mirgaa irraa ta'e immoo

Warra mirgaa irraa waan taateef nageenyi siif haa ta'u.” [isaan jedhama].

Yoo [namni du'u] sobsiftoota jallattoota irraa ta'e immoo

[Isaaf] affeerraa bishaan danfaa irraa ta'etu jira.

Jahuum (Ibidda) seenutu isaaf jira.

Dhugumatti inni kuni haqa mirkanaa'adha.” Suuratu Al-Waaqi'a 56:88-95

Guduunfaa

?Ilmi namaa dur irraa kaasee hanga guyyaa qiyamatti dhalachuu fi du'uu itti fufu.

?Namni erga du'ee Barzakh seena. Barzakh jechuun girdoo ykn cufaa addunyaa tanaa fi Qiyaamaa addaan baasudha.

?”Dur irraa kaase namni du'e tokkochu hin deebine. Kanaafu, Qiyaaman hin jirtu.” warra jedhaniif kuni deebii gahaa ta'aaf. Namni Barzakh keessa seennan hanga Guyyaa Qiyaamaa addunyaa tanatti hin deebi'u. Kuni murtii Rabbiin murteessedha. Osoo addunyaa tanatti kan deebi'an ta'e silaa dachiin tuni isaan hin geessu.

?Yommuu Qiyaamaan dhaabbattu dachii keessaa falafalamanii ol yaa'u.

?Namni qabrii keessatti awwaalamee dhiise, galaana keessatti bade, bineensi isa nyaatee, azaabni ykn qananiin qabrii isa qunnama. Azabul qabr ykn ni'matul qabr kan jedhameef namoonni du'an irra caalaan qabrii keessatti waan awwaalamaniifi.

?Qabrii keessatti qananiin ykn adabbiin kuni ruuhi fi qaama isaa ni dhaqqaba. Ruuhin (nafseen) erga qaaman addaan baate booda tan qananiifamtu ykn azzabamtu taate ni turti. Garuu yeroo garii ruuhin qaaman wal qunnamuun qananiin ykn adabbiin isaan lamaanu dhaqqabu danda'a. Guyyaa Qiyaamaa guutumaan guututti ruuhin gara qaamaa deebi'uun qabrii keessaa kaafamu. [2]

?Namni qabrii keessatti yommuu adabamuu ilmi namaa arguu fi dhagahu hin danda'u.

?Rabbitiin sababa garagaraatif namoota irraa adabbi qabrii dhokse. Isaan keessaa;

(A) Osoo namoonni adabbi kana dhagahanii silaa naasu fi sodaa irraa kan ka'e wal hin awwaalan.

(B) Osoo adabbiin nama du'ee dhagahamee silaa warri isaa ni salphatu, halkanii guyyaa dhiphinna keessa jiraatu.

(C) Iimaana namootaa qoru-adabbiin qabrii geeybi irraa waan ta'eef eenyutu amanaaf hin amanuu addaan baasuf.

In sha Allaah azaaba fi qananii qabrii ilaachise shubaata (fafakeessa fi shakkii) namoota irratti darbamuu gara fuunduraatti ni ilaalla. wa billahi tawfiiq

Kitaabban Wabii

[Shariih Usuuli salaasa](#) Fuula 103-104 Ibn Useymiin

[Taysirul Kariimil Rahmaani fii tafsiiri Kalaamil Mannaani](#)–Fuula 654, 295 Abdurahmaan Naasir Sa'dii

Tafsiir bn-kasiir 3/302

Zaadil masiir-Ibn Jawzi-fuula 1394-Daru Ibn Hazm

[2] [Kitaabu Ruuh](#)-Imaamu ibn al-Qayyim fuula 149

Date Created

December 27, 2018

Author

admin